



Broj: 01-16-12-1427- 19 /22
Banja Luka, 27.04, 2023.godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13, 91/17), člana 25. Zakona o Upravi za indirektno oporezivanje BiH („Službeni glasnik BiH“ broj: 89/05), člana 64. stav (1) tačka a) i člana 70. Stav (3) Zakona o javnim nabavkama („Službeni glasnik BiH“ broj: 39/14), Direktor Uprave za indirektno oporezivanje, d o n o s i

ODLUKU

o izboru najpovoljnijeg ponuđača u otvorenom postupku za nabavku dijelova sa ugradnjom i vršenje usluge održavanja motornih vozila marke Škoda Regionalnog centra Tuzla – vozila van garantnog roka

I

Najpovoljnijom ponudom u otvorenom postupku za nabavku dijelova sa ugradnjom i vršenje usluge održavanja motornih vozila marke Škoda Regionalnog centra Tuzla – vozila van garantnog roka, ponuda ponuđača „**COSMOS COMMERCE**“ d.o.o. Tuzla, **Drage Karamana br. 22**, čija cijena ponude iznosi **198.705,00 KM bez PDV-a, odnosno 232.484,85 KM sa PDV-om.**

II

Izabrani ponuđač **COSMOS COMMERCE d.o.o. Tuzla, Drage Karamana br. 22**, je u sastavu svoje ponude odmah dostavio dokaze iz tačke 7.1.3. Tenderske dokumentacije, čime se isti oslobađa obaveze naknadne dostave traženih dokaza.

III

Po okončanju roka za žalbu, Ugovorni organ će sa izabranim ponuđačem zaključiti okvirni sporazum kojim će se regulisati međusobna prava i obaveze do procijenjene vrijednosti nabavke 40.000,00 KM bez PDV-a.

O b r a z l o ž e n j e

Odlukom direktora, broj: 01-16-12-1427/22 od 14.06.2022. godine, odobreno je provođenje otvorenog postupka za prikupljanje ponuda za nabavku dijelova sa ugradnjom i vršenje usluge održavanja motornih vozila marke Škoda Regionalnog centra Tuzla- vozila van garantnog roka.

Procijenjena vrijednost okvirnog sporazuma iznosi 40.000,00 KM bez PDV-a, od čega na godišnjem nivou 20.000,00 KM bez PDV-a.

Sredstva za predmetnu nabavku su osigurana u Budžetu/Finansijskom planu ugovornog organa na poziciji 613713 i 613723.

Slijedom navedene Odluke, dana 10.01.2023. godine izvršeno je objavljivanje Obavještenja o nabavci broj: 743-1-1-11-3-7/23 na Portalu javnih nabavki.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na WEB sajtu Ugovornog organa- UIO.

Dana 01.02.2023. godine u 12.15h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Tendersku dokumentaciju za nabavku dijelova sa ugradnjom i vršenje usluge održavanja motornih vozila marke Škoda Regionalnog centra Tuzla- vozila van garantnog roka, preuzelo 7 ponuđača.

OL/1

211-1
28.02.2023.
2 An

OL-8
u nac
2022-2
F.

Nadalje, tačkom 9.9.1. predmetne Tenderske dokumentacije propisano je da je dobavljač uz ponudu **dužan dostaviti izjavu da će, ukoliko bude izabran, obezbijediti dvije bankovne garancije za dobro izvršenje ugovora** u visini od 10% od vrijednosti ugovora, u KM sa PDV-om sa rokom trajanja od 1 godine od dana potpisivanja ugovora, i to jednu garanciju za prvi ugovor i jednu za garanciju za drugi ugovor u sklopu okvirnog sporazuma.

Nadalje, tačkom 8.2.1. predmetne Tenderske dokumentacije, takođe je propisano da ponuda treba sadržavati elemente, između ostalih i **Pismenu izjavu za bezuslovnu bankarsku garanciju za dobro izvršenje ugovora**. Uvidom u ponudu koju je dostavio ponuđač **GUMA M d.o.o. Mostar, Bišće polje bb** Komisija je utvrdila da isti nije ispunio gore navedeni uslov obzirom da u sastavu svoje ponude nije dostavio gore navedenu Izjavu.

Imajući u vidu gore navedeno, Komisija je utvrdila da je ponuda ponuđača **GUMA M d.o.o. Mostar, Bišće polje bb** neprihvatljiva, te ne može biti predmet daljeg vrednovanja.

- Ponuda ponuđača **EURO DAM-JAS d.o.o. Lukavac, Lukavičkih brigada bb**, ispunjava sve zahtjeve Ugovornog organa koji su definisani predmetnom Tenderskom dokumentacijom, te je ista ocijenjena kao formalno-pravno i tehnički prihvatljiva i može biti predmet daljeg vrednovanja.

U postupku preispitivanja navedene ponude, uočeno je da je ponuđač **EURO DAM-JAS d.o.o. Lukavac, Lukavičkih brigada bb** ponudio cijenu koja je iznad procjenjene vrijednosti nabavke. Obzirom da se predmetna nabavka obavlja sukcesivno, shodno potrebama Ugovornog organa i jediničnim cijenama do procjenjene vrijednosti nabavke, to je Komisija ocijenila ponudu navedenog ponuđača kao prihvatljivu.

Budući da je tačkom 9.1. predmetne Tenderske dokumentacije propisano da se izbor najpovoljnijeg ponuđača vrši na osnovu ekonomski najpovoljnije ponude u skladu sa podkriterijumima: Cijena- 75%, Operativni troškovi- 15% i Garancija za ugrađene dijelove 10%, to je Komisija sačinila rang listu, kako slijedi:

Red. br.	Naziv ponuđača	Ponuđena cijena KM bez PDV-a (75%)	Bodovi	Operativn i troškovi (15%)	Bodovi	Garancija za ugrađene rezervne dijelove (10%)	Bodovi	UKUPNO BODOVI
1.	COSMOS COMMERCE d.o.o. Tuzla, Drage Karamana br. 22	198.705,00	75	4.600	15	24	10	100
2.	EURO DAM-JAS d.o.o. Lukavac, Lukavičkih brigada bb	250.675,08	59,45	23.500	2,94	12	5	67,39

U daljem postupku preispitivanja prihvatljivih ponuda, uočeno je da je **COSMOS COMMERCE d.o.o. Tuzla, Drage Karamana br. 22**, ponudio cijenu koja je za više od 20% niža od cijene drugorangiranog ponuđača. Odredbom člana 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, broj: 90/14) propisano je da Ugovorni organ obavezno od ponuđača traži objašnjenje cijene ponude koju smatra neprirodno niskom, ako je cijena ponude za više od 50% niža od prosječne cijene preostalih prihvatljivih ponuda, ako su primljene najmanje tri prihvatljive ponude, ili ako je cijena ponude za više od 20% niža od cijene drugorangirane prihvatljive ponude.

Slijedom navedenog, a shodno odredbama člana 66. Zakona o javnim nabavkama („Službeni glasnik BiH“, broj: 39/14 i 59/22) Ugovorni organ je e-mailom, dana 09.02.2023. godine, zatražio od ponuđača **COSMOS COMMERCE d.o.o. Tuzla, Drage Karamana br. 22**, da opravdaju ponuđenu cijenu u pismenom obliku i pruže detaljne informacije o relevantnim sastavnim elementima ponude uključujući elemente cijene, odnosno razloge ponuđene cijene. Ugovorni organ uzima u razmatranje objašnjenja koja se na primjeren način mogu odnositi na:

- ekonomičnost pruženih usluga;
- izabrana tehnička rješenja i/ili izuzetno pogodne uslove koje ponuđač ima za pružanje usluga;
- originalnost usluga koje je ponuđač ponudio;
- usklađenost s važećim odredbama koje se odnose na radnu zaštitu i uslove rada na mjestu gdje se pruža usluga;
- moгуćnost da ponuđač prima državnu pomoć.

Ponuđač **COSMOS COMMERCE d.o.o. Tuzla, Drage Karamana br. 22** je u zadanom roku dostavio tražena obrazloženja za cijenu ponude, koje je Ugovorni organ ocijenio kao prihvatljive i koja čine sastavni dio ovog Zapisnika.

Slijedom navedenog, a imajući u vidu da je tačkom 6.1.7. Tenderske dokumentacije propisano da količine date po stavkama u tehničkoj specifikaciji predstavljaju okvirne vrijednosti, pa će se u zavisnosti od stvarnog stanja na terenu i potreba kupca, usluge količinski po stavkama izvoditi prema zahtjevima kupca po jediničnim cijenama datim u tabeli finansijskog dijela ponude prvorangiranog ponuđača, te imajući u vidu da će se ukupna ponuđena cijena iz ponude koristiti u svrhu vrednovanja pristiglih ponuda i odabira najpovoljnije/prvorangirane ponude, a da je ponuđač **COSMOS COMMERCE d.o.o. Tuzla, Drage Karamana br. 22**, dostavio tehnički zadovoljavajuću ponudu, to je Komisija dala preporuku direktoru UIO da se u otvorenom postupku za nabavku dijelova sa ugradnjom i vršenje usluge održavanja motornih vozila marke Škoda Regionalnog centra Tuzla-vozila van garantnog roka, izvrši izbor najpovoljnijeg ponuđača, te da se sa najpovoljnijom ponudom ocijeni ponuda ponuđača **COSMOS COMMERCE d.o.o. Tuzla, Drage Karamana br. 22**, te da se sa navedenim ponuđačem zaključi Okvirni sporazum do procjenjene vrijednosti nabavke 40.000,00 KM bez PDV-a.

NAPOMENA: Izabrani ponuđač **COSMOS COMMERCE d.o.o. Tuzla, Drage Karamana br. 22**, je u sastavu svoje ponude odmah dostavio dokaze iz tačke 7.1.3. Tenderske dokumentacije, čime se isti oslobađa obaveze naknadne dostave traženih dokaza.

Prihvatajući prijedlog Komisije, odlučeno je kao u dispozitivu ove Odluke.

Pouka o pravnom lijeku:

Ponuđač koji smatra da je Ugovorni organ u toku postupka izvršio povrede odredbi Zakona o javnim nabavkama ima pravo uložiti žalbu.


Žalba se izjavljuje Kancelariji za razmatranje žalbi putem Uprave za indirektno oporezivanje, ulica Bana Lazarevića bb Banja Luka, u pisanoj formi, u tri primjerka, u roku od 10 dana od dana prijema ove odluke.

Shodno članu 108. Zakona o javnim nabavkama žalilac je obavezan platiti naknadu za pokretanje žalbenog postupka.

Uplata naknade se vrši u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama ("Sl. Glasnik BiH", broj: 86/2014).

Dostaviti:

1. 01,
2. 02/1x2,
3. arhiva.



DIREKTOR

Miro Džakula
Dr. Miro Džakula